



Ngwanana wa mahaeng ya maqheka

Sesotho



Mantombi Evelyn Nxiweni

Ngwanana wa mahaeng ya maqheka

E ngotswe ke Mantombi Evelyn Nxiweni
Motaki wa ditshwantsho ke Dale Blankenaar



E fetoletswa ke Mpho Ntaka

MmaSefadi e ne le mosadi ya se nang
molekane, a dula le bana ba hae ba bararo
eleng Refilwe, Dineo le Nthabiseng.
Ba ne ba kena sekolo se bitswang Letjhabile
motsaneng wa Botshabelo.




Nthabiseng o ne a sa rate ho ya sekolong.
Mme wa bona o ne a tsoha hoseng ka hora
ya bohlanano ho ba futhumaletsa metsi a ho
hlapa le ho ba phehela lesheleshele.



Tsohang le hlape, le je le tle le se ka la fihla ka morao ho nako sekolong ho rialo Mme wa bona. Nthabiseng, tsoha ho rialo Mme wa hae, wena mehlaena le mehlaena o lokelwa ho tsoswa. "Mme ke tshwerwe ke mala," ho araba Nthabiseng.



Hanghang Mme wa hae o ile a batla moriana wa mala. E ja motoho mme o nwe moriana wa hao, ho rialo Mme wa hae. Nthabiseng o ile a tshwarwa ke boroko bo tebileng ka mora ho nwa moriana wa mala.



Nthabiseng o tsohile ka hora ya leshome
mme a bapala ka bolo ya hae.
Hee ngwanaka naa o ikutlwa o le betere
hona jwale? Ee Mme, ke ikutlwa ke le
betere haholo. O ile a tsoha hoseng
haholo letsatsing le hlahlamang mme a
ya sekolong.



Kamora matsatsi a mabedi Nthabiseng ha
a ka a tsoha. Hobaneng o ntse o robetse
Nthabiseng? Ha botsa Mmae.
Mme ke tshwerwe ke hlooho e bohloko, ho
rialo Nthabiseng.




O utlwile neng hore hlooho ya hao e bohloko? Ha botsa Mme. Ke e utlwile hara bosiu Mme. Mme wa Nthabiseng o ile a mo fa dipidisi tsa hlooho mme a mo dumella ho robala. Nthabiseng o ile a tsoha ka hora ya leshome le motso o mong hoseng hoo.



Hop-hop hop, Nthabiseng o bapala bolo ka ntle. Helang o se o bapala ka bolo jwale! o ne o sa re oa kula, naa o utlwa hlooho e se e le betere jwale? ha botsa Mmae. Ee Mme, ke ikutlwa ke phetse, ho rialo Nthabiseng.



Ke hantle hee ngwanaka. Naa o bona dinkgo tseo tse tharo kantle? Ho botsa Mme wa Nthabiseng. Nka emere eo e nyenyane mme o tlatse dinkgo tseo tse tharo tse kgolo ka metsi.

A young girl with dark skin and curly hair is the central figure. She is wearing a bright yellow dress with large pink polka dots and blue boots. On her head, she balances a large, empty blue bucket. Her arms are raised slightly, and she has a surprised or excited expression. The background is a vibrant, abstract landscape with horizontal bands of yellow, pink, and blue, suggesting a sunset or sunrise over a field. In the distance, a white animal, possibly a dog or a small horse, is visible. The overall style is that of a children's book illustration, using bold colors and simple shapes.

Tlosa bolo eo, o tla bapala ha bana ba bang ba se ba kgutlile sekolong.

Letsatsi le ne le tjhabile ebile ho tjhesa haholo. A qala ho tlatsa dinkgo ka metsi. Bana babo ba ile ba kgutla sekolong mme nakong ena Nthabiseng o ne a tlatsa nkgo ya ho qetela.





Na o ne o sa kule Ausi? Ha botsa bana babo.
Le mmotsa hantle, ho araba Mme wa bona.
Letsatsing le hlahlamang, Nthabiseng o
ile a tsoha, a hlapa mme a ja dijo tsa hae,
a ya sekolong ntle le ho qeaqea ho mona
hwa hae.

Bana babo ba ile ba mo tsheha ba re,”
Nthabiseng, naa oa bona hore ho bapala
ka nako ya sekolo ha se tharollo? Ee, ke a
bona ebile ke ithutile ho hong. Nthabiseng
o ile a salla morao mesebetsing ya hae ya
sekolo ka lebaka la ho kula ho neng ho sa
tsebisahale.



Ka lehlohonolo, titjhere ya hae e ile ya mo tshehetsa haholo ka ho mofa mesebetsi yohle eo a salletseng morao ka yona.

O ne a mo thusa mesebetsing yohle ya hae ya sekolo. Nthabiseng o ne a thabile haholo mme a ipona molato ka lebaka la ho ba botswa ha hae. Mafolofolo a hae a ile a kgothatsa titjhere ya hae mme a mo thusa letsatsi le letsatsi.



Nthabiseng o ile a tswela pele ho sebetsa ka thata. Qetellong ya selemo a atleha haholo dithutong tsa hae. Selemong se latelang Nthabiseng a ya sekolong ka mehla le matsatsi. A itsosa, a se a sa tsoswe ke Mme wa hae.



DITEBOHO

E ngotswe ke

Mantombi Evelyn Nxiweni

Motaki wa ditshwantsho ke

Dale Blankenaar

Mohlophisi 1

Notozi Mgobozi

Mohlophisi 2

Ntombikayise Njadayi

Mohlophisi 3

Nelisa Mviko

Mohlophisi 4

Nopasika Xapa

Moqapi

PixelPing Design

Mofetoledi

Mpho Ntaka

Mosireletsi wa Boleng

Matebogo Makhutle



ISBN 978-0-638-00834-0



basic education

Department:
Basic Education
REPUBLIC OF SOUTH AFRICA

